

Nunatta Karsiata 2010-mut naatsorsuutaasa akuerineqarnissaat pillugu siunnersuut
(Aningaasaqarnermut Naalakkersuisoq)**Saqqummiussissut**

(Aningaasaqarnermut Naalakkersuisoq)

2009-mi appariarfiusoq inuiaqatigiit aningaasaqarnerat 2010-mi siuariarfiuvoq. Tamanna aamma Nunatta Karsiata naatsorsuutaani massakkut saqqummiunniakkanni takuneqarsinnaavoq.

Nunatta Karsia 2010-mi ingerlatsinermi, sanaartornermi taarsigassarsititsinermilu 2 mio. kr.-inik sinneqartooruteqarpoq. 263 mio. kr.-inik amigartooruteqarnissamik missingersuuteqarnermut sanilliullugu malunnartumik pitsanngoriarneruvoq. Taamatut amigartooruteqarnissamik missingersuuteqarnermut annerpaamik pissutaavoq Sisimiuni erngup nukinganik nukissiorfiliorerup naammassineqarnissaanut taarsigassarsititsineq. Ilanngaaseereerluni taarsigassarsititsinerit ukioq kingulleq 268 mio. kr.-iupput, taamaalillunilu Namminersorlutik Oqartussat 2010-mi ulluinnarni ingerlatsineranni 270 mio. kr.-inik sinneqartooruteqartoqarpoq. Angusarineqartoq ajunngitsoq, kisiannili tamanna ataasiaannartumik immikkorluinnaq ittumik isertitarineqartunik pissuteqarmat piffissami sivisuumi aningaasaqarnitta pitsanngoriartornissaanut isikkoqartutut isigineqassanngilaq.

2010-mi namminersortut aningaasarsiornerat qaffarialaarpoq. 2010-mi ukiup affaani kingullermi ikummatissanik aatsitassanillu ujarlernerit taamatut qaffariarnermut pissutaapput. 2011-mittaaq ilimagineqarpoq ujarlernerit kingunerisaannik akileraarutitigut isertarineqartut ajunngitsumik sunnerneqarumaartut. Tamanna qujanarpoq, kisiannili isertitat qajassuuttariaqarput taamatut ingerlasoqaannarnissaa ilisimannginnatsigu. Taamaammat isertitat taakku immikkut ittut aningaasartuutitut ataavartunut atorneqannginnissaat pingaaruteqarpoq.

Kisiannili aningaasarsiornerup 2008 aamma 2009 tikillugit ingerlalluarnerata nalaani ingerlatsinermut aningaasartuutit tamarmiusut isertitanut sanilliullugit amerlanerulersimapput. Taamaammat ukiuni aggersuni aningaasarsiornikkut sukaterinissaq piffissamut ungasinnerusumut aningaasartuutini isertitanilu oqimaaqatigiinnermik pilersitsisussaq pisariaqartinneqarpoq. Akileraarnermut Atugarissaarnermullu Isumalioqatigiissitap isumaliutissiissutaani 2011-mi upernaakkut saqqummiunneqartumi inassutigineqarluni aamma takuneqarsinnaasoq.

2010-mut ajunngitsumik naatsorsuuteqarneq Nunatta Karsiata aningaasaqarneranut nukittorsaaqataavoq. Taamaammat Naalakkersuisut naatsorsuutigaat 2011-mi nunanut allanut taarsigassarsiniarnissaq pisariaqassanngitsoq. Ukiuni tullinnguuttuni pisussat nalorninartoqarnerupput. Soorlu taaneqareersoq 2010-mut naatsorsuutit ataasiaannartumik immikkut ittumik isertitaqarnermik sunnerneqarsimapput. Ilaatigut akileraarutitigut isertitassat siunissami qanoq annertutiginissaat nalorninartoqarput. Siorna uuliamik ujarlernerit ilimagisamiit akileraarutitigut isertitaqarfiunerupput, ukiorlu manna immikkorluinnaq ittumik isertitaqarnerunissaq ilimanarluni. Kisiannili ilisimanngilarput 2012-imi taamatut pisoqaqqissanersoq.

Peqataanik Naalackersuisut aningaasanut inatsisissatut siunnersuummik ingerlatsinikkut sanaartornikkullu oqimaaqatigiissumik saqqummiussaqrput, kisiannili piffissami 2012-2015-imut katillugit 800 mio. kr.-nik nunani allani taarsigassarsiniarnissaq ilimagisariaqarluni.

2010-mut naatsorsuutit Namminersorlutik Oqartussat kukkunersiuisuannit avataaneersumit paatsuugassaangitsumik atsiorneqrput. Kisiannili 2008-mut 2009-mullu kisitsisit assersuunneqrput nangaanartoqartillugit, taakkunani akileraarutitigut isertitat annertussusiinut naatsorsuinerit pineqarlutik.

Naalackersuisut 2010-mut naatsorsuutit pillugit kukkunersiuinermut ataatsimiititaliamik oqaloqateqarnissartik qilanaaraat.

Oqaatsit taakku atorlugit Naalackersuisut sinnerlugit 2010-mut Nunatta Karsiata Naatsorsuutai Inatsisartunut kukkunersiuinermullu ataatsimiititaliamut oqaluuserisassanngorlugit tunniuppakka.